



**KEMENTERIAN PERTANIAN DAN INDUSTRI MAKANAN**

***Ministry of Agriculture and Food Industries***

Wisma Tani

No 28, Persiaran Perdana, Presint 4

Pusat Pentadbiran Kerajaan Persekutuan

62624 PUTRAJAYA,

MALAYSIA

No. Telefon : 03-8000 8000

No. Faks : 03-8888 6020

Laman Web : [www.mafi.gov.my](http://www.mafi.gov.my)

---

## **SIARAN MEDIA**

### **MAJLIS KONVOKESYEN PERTANIAN KALI KE-10 TAHUN 2022, KEMENTERIAN PERTANIAN DAN INDUSTRI MAKANAN (MAFI)**

**PUTRAJAYA, 3 MAC 2022** – Kementerian Pertanian dan Industri Makanan (MAFI) menganjurkan Konvokesyen Pertanian Ke-10 Tahun 2022, sebagai suatu pengiktirafan ke atas kejayaan para graduan menamatkan pengajian dalam bidang berkaitan agromakanan negara.

Majlis hari ini meraikan 1,712 orang graduan yang menamatkan pengajian pada tahun 2020 dan 2021 yang meliputi 288 orang graduan Diploma Kemahiran Malaysia, 711 orang graduan Sijil Kemahiran Malaysia, 543 orang graduan Sijil Pertanian Malaysia, 83 orang graduan Sijil Veterinar Malaysia dan 87 orang graduan Sijil Perikanan Malaysia.

MAFI melaksanakan program-program latihan yang berkualiti melalui pendedahan industri agar dapat melahirkan graduan yang berdaya saing untuk menghadapi cabaran dalam industri agromakanan negara.

Pada masa yang sama, adalah menjadi harapan MAFI supaya para graduan sentiasa merebut peluang dalam industri ini bagi membolehkan mereka mendapat pekerjaan atau menjadi usahawan dalam bidang agromakanan.

MAFI komited dalam membangunkan sektor agromakanan berteraskan Dasar Agromakanan Negara 2021-20309 (DAN 2.0) bagi membangun bakat yang memenuhi permintaan industri.

Pembangunan bakat yang sesuai dalam sektor agromakanan dapat membentuk asas yang kukuh dan mampu menyesuaikan diri dengan cepat selaras dengan teknologi moden serta meningkatkan kuantiti dan kualiti makanan yang dihasilkan bagi memenuhi matlamat sekuriti dan keselamatan makanan negara.

Pemodenan pertanian merupakan fokus utama MAFI sepertimana yang digariskan sebagai bidang pertumbuhan ekonomi utama dalam Wawasan

Kemakmuran Bersama (WKB) 2030. Kerajaan berharap lebih banyak lagi bakat masa hadapan yang akan terlibat dalam pertanian moden.

Kerajaan juga telah memberi tumpuan untuk memperkasa *Program Technical Vocational Education Training* (TVET) melalui Rancangan Malaysia Ke-12 (RMKe-12) dengan memberi tumpuan kepada usaha membangunkan bakat masa hadapan bagi memenuhi keperluan industri. Bagi MAFI, program TVET berperanan sebagai pemangkin perubahan bagi melahirkan sumber tenaga kerja berkemahiran tinggi dalam bidang teknikal agromakanan.

Majlis Konvokesyen Pertanian Kali Ke-10 ini disempurnakan oleh Menteri Pertanian dan Industri Makanan, Datuk Seri Dr. Ronald Kiandee.

**KEMENTERIAN PERTANIAN DAN INDUSTRI MAKANAN**  
**3 MAC 2022**